



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2024. godini broj: 02-04-7734-42.1/24, utvrđen Zaključkom Vlade Kantona Sarajevo broj: 02-04-7734-42/24 od 07.03.2024.godine i Programom o izmjenama i dopunama Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, broj: 02-04-36792-1.1/24, utvrđen Zaključkom Vlade Kantona Sarajevo broj: 02-04-36792-1/24 od 16.07.2024. godine, o b j a v l j u j e;

JAVNI POZIV NEZAPOSLENIM OSOBAMA

DA SE PRIJAVE ZA UČEŠĆE U PROGRAMU ZAPOŠLJAVANJA POSAO ZA SVE

I

U cilju realizacije Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva nezaposlene osobe sa evidencije nezaposlenih u Kantonu Sarajevo da se prijave za učešće u Programu zapošljavanja Posao za sve.

Cilj Programa zapošljavanja Posao za sve (u daljem tekstu: Program) je obezbjeđenje potrebne kvalifikacione strukture radne snage i kraće trajanje nezaposlenosti.

II

Služba će poslodavcima koji budu obuhvaćeni ovim Programom, na mjesečnom nivou, refundirati sredstva u ukupnom iznosu od 1.200,00 KM po novouposlenoj osobi SSS i KV stručne spreme, te 1.000,00 KM po novouposlenoj osobi NK, PK i NSS u ukupnom trajanju 12 mjeseci. Svi drugi troškovi padaju na teret poslodavca.

Osnovni iznosi sufinansiranja navedeni u prethodnom stavu ovog člana se bez kumulativnog zbrajanja povećava za 10% za sljedeće kategorije nezaposlenih osoba:

- a) radno-sposobne osobe sa invaliditetom (dokaz - uvjerenje instituta za medicinsko vještačenje),
- b) članovi šehidskih porodica ili porodica poginulih boraca - branitelja (dokaz - uvjerenje BIZ-a),
- c) nezaposleni demobilisani borci - branitelji (dokaz uvjerenje BIZ-a),

- d) djeca nezaposlenih demobiliziranih boraca - branitelja (dokaz - uvjerenje BIZ-a),
- e) djeca i supružnici osoba s invaliditetom od 60% i više (dokaz - uvjerenje općine),
- f) članovi domaćinstva u kojem ni jedan član nije zaposlen (dokaz - uvjerenje općine i uvjerenje biroa za zapošljavanje),
- g) samohrani roditelji, staratelji i hranitelji i njihove djeca (dokaz - uvjerenje centra za socijalni rad),
- h) roditelji djeteta sa posebnim potrebama i roditelji teško bolesne djece (dokaz - uvjerenje centra za socijalni rad, druga relevantna dokumentacija),
- i) žrtve nasilja, žrtve nasilja u porodici i djeca žrtava nasilja, civilne žrtve rata (dokaz - uvjerenje centra za socijalni rad, MUP-a, suda, te sigurne kuće),
- j) liječeni ovisnici o psihoaktivnim supstancama (dokaz - uvjerenje specijalizirane medicinske ustanove, uvjerenje komune),
- k) bivši štitićenici doma za nezbrinutu djecu (dokaz - uvjerenje doma za nezbrinutu djecu, uvjerenje centra za socijalni rad).

III

Pravo učešća u Programu imaju sve nezaposlene osobe sa najviše završenim četvrtim stepenom obrazovanja, sa i bez radnog iskustva i radnog staža, prijavljene na evidenciju nezaposlenih u Kantonu Sarajevo prije aplikacije poslodavca na javni poziv, te poslodavci registrovani na području Kantona Sarajevo.

IV

Nezaposlene osobe koje ispunjavaju uslove Javnog poziva, dužne su u Službi ili putem web stranice Službe preuzeti Vaučer za posao i pronaći poslodavca koji će ih zaposliti i kojem predaju Vaučer za posao na dalje postupanje.

Poslodavci koji žele učestvovati u Programu dužni su dostaviti sve u originalu ili ovjerenoj fotokopiji:

- a) aplikaciju za učešće u Programu,
- b) rješenje o registraciji u Kantonu Sarajevo a za pravna lica koja su u skladu sa Zakonom obavezna izvršiti upis u sudski registar, dostaviti aktuelni izvod iz sudskog registra u Kantonu Sarajevo koji ne smije biti stariji od 60 dana od dana podnošenja prijave na javni poziv,
- c) uvjerenje o izmirenim obavezama po osnovu poreza i doprinosa ne starije od 60 dana od dana prijave na javni poziv (izdat od strane Porezne uprave Federacije Bosne i Hercegovine),
- d) uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) ne starije od 60 dana od dana podnošenja prijave na javni poziv,
- e) vaučer/e za posao popunjen/e od strane nezaposlenih osobe/a i poslodavca.

U Programu ne mogu učestvovati:

- a) Poslodavci koji redovno ne izmiruju obaveze uplata javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje BiH ukoliko je poslodavac PDV obveznik o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje BiH ili uvjerenje da poslodavac vrši uplate po potpisanom ugovoru.

- b) Poslodavci koji nemaju nijednog radnika ili osobu prijavljenu u radni odnos.

V

Poslodavci korisnici Programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika ili isteka ugovora o radu na period na koji je sklopljen a do okončanja ugovora o sufinansiranju.

Poslodavcu se neće sufinansirati zapošljavanje osoba koje je već zapošljavao, a kojima je prestao radni odnos kod tog poslodavca u posljednja 3 mjeseca do dana objave javnog poziva za ovaj program.

Izuzetno, odredbe ovog člana ne odnose se na poslodavce iz javnog sektora.

VI

Javni poziv za Program ostaje otvoren do utroška sredstava, a najduže 6 mjeseci od dana objave uz mogućnost prekida i prije 6 mjeseci, a odobravanje aplikacija po Programu vršit će se prema vremenu i redoslijedu zaprimanja na protokolu Službe, te aplikacije zaprimljene po prethodnom javnom pozivu od 15.03.2024.godine, a koje ispunjavaju uslove javnog poziva ali zbog ograničenih sredstava nisu obuhvaćene Programom, biće odobrene po ovom javnom pozivu.

Služba će sa poslodavcima koji budu obuhvaćeni Programom, zaključiti ugovore kojima će biti regulisana sva prava i obaveze ugovornih strana u skladu sa Programom.

VII

Poslodavci mogu odmah nakon podnošenja aplikacije zaposliti osobe sa vaučera na vlastitu odgovornost i teret, a refundacija sredstava teče od dana potpisivanja ugovora o sufinansiranju, te poslodavcima korisnicima programa može se omogućiti zapošljavanje zamjenske osobe ukoliko je prvobitno zaposlena osoba samoinicijativno raskinula ugovor, a čiji vaučer ima istu kategoriju kao prethodno zaposlena osoba.

VIII

Rok za realizaciju Programa je 18 mjeseci od dana potpisivanja pojedinačnih ugovora, uključujući i eventualne anekse ugovora. Izuzetno, rok za realizaciju Programa može se produžiti usljed nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili zbog korištenja porodiljskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, o čemu

će poslodavac blagovremeno obavijestiti Službu te dostaviti relevantne dokaze o prethodno navedenom.

IX

Obrasci za podnošenje Aplikacija i Vaučeri za posao mogu se dobiti u Službi u Odjeljenju za podsticajne mjere zapošljavanja, ulica Đoke Mazalića 3, kancelarija br.15/I, općinskim biroima ili preuzeti sa web stranice Službe www.szks.ba.

Nepotpuni i neblagovremeni zahtjevi neće se uzeti u razmatranje, a Služba neće vršiti povrat zaprimljene dokumentacije.

X

Rezultati ovog javnog poziva biće objavljeni na web stranici Službe.

XI

Aplikacije sa potrebnom dokumentacijom, podnose se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, ulica Đoke Mazalića broj 3, u zatvorenoj koverti sa napomenom: „Za Program zapošljavanja Posao za sve“.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-081.

Sarajevo, Đoke Mazalića 3,

web-stranica: www.szks.ba; e-mail adresa: info@szks.ba

Tel/:+387 (33) 569-100, fax: 204-177; Matični broj: 4200304610003;

Poreski broj: 01079085; Računi Intesa Sanpaolo Banka d.d. Sarajevo:

1549212010171056-depozitni račun, 1540012000135120-transakcijski račun

